

ЎЗНОМА
1930 ЙИЛ
12 МАЙДАН
ЧИҚА
БОШЛАГАН



ЎЗБЕКИСТОН ЖУМҲУРИЯТИ ИИВ ҲАЙЪАТИ НАШРИ

№ 22 (2442)

1992 ЙИЛ 22 ФЕВРАЛЬ

ШАНБА

НАРХИ: ОБУНАЧИГА 30 ТИНИН, СОТУВДА 40 ТИНИН

ҲАҚИҚАТ ҚАНИ? ҚОНУНЛАР НИМА УЧУН ЧИҚАРИЛАДИ?

Конституция фуқароларга сўз, матбуот, йиғилишлар, митинглар, кўча юришлари, намойишлар ўтказиш эркинликларини беради. Ҳозирги ҳаётимизни демократлаштиришда бу сиёсий эркинликлар янада аҳамиятлироқ бўлмоқда. Аммо бу эркинликлар жамият манфаатларига ва амалдаги қонунларга зид бўлмаслиги керак.

Нишларнинг ҳуқуқлари ва эркинликлари уларнинг бурчлари билан уйғунлашиб, у қонунга ҳамманинг сўзсиз ҳурмати билан ифодаланмоғи даркор.

Жумҳуриятимизда митинглар, йиғилишлар, мажлислар ўтказиш, кўча юришлари, намойишлар уюштириш ва ўтказиш ҳақидаги қабул қилинган қонунлар фуқароларнинг қомусий эркинликларини таъминлашга ва уларнинг жамоат тартибига риоя қилишларига қаратилгандир. Аммо бу қонун актлари нимагадир ҳеч ким томонидан бажарилмапти.

Масалан, биз шу йилнинг 16-17 январь кунлари Талабалар шаҳарчасида бўлиб ўтган воқеаларнинг иштирокчилари бўлдик. У ерда жамоат тартибини сақлаш учун «Бонг» чақирғи билан йиғиб олиб келдилар. Борган еримизда савдо шаҳобчаларининг ойналари синдирилган, тўпланган талабалар оломони қандай қилиб ва қайси йўл билан қонуний тарзда ўз муаммоларини ҳал қилиш ҳақида сўз юртарди.

Бизнинг на қалқонларимиз, на дубулғаларимиз бор эди. Чунки бизни тўғридан тўғри хизмат ўтаётган жойимиздан намойишга келтиришган бўлиб, ўз ҳақ-ҳуқуқларини талаб қилган талабалар намойишини тарқатиб юборишга уриниш ниятимиз ҳам йўқ эди. Айрим талабалар билан тўғри йўл тутиш лозимлиги ҳақида мулоқотда ҳам бўлдик. Бизнинг ора-мизда ҳам толиблар бор, талабалар орасида бизнинг ҳам фарзандларимиз, ака-укаларимиз, опа-сингилларимиз, ўқиётган қариндош-уруғларимиз бор.

Полкимизнинг шахсий тарихи 1985 йилдан бери Талабалар шаҳарчасида вужудга келган муҳитга ўхшаш шароитларда ишлаш тажрибасига эга. Кўпчилиги Фарғона, Тошкент вилоятларидаги ва Тошкент шаҳридаги оммавий тартибсизликларни барта-раф қилишда иштирок этганлар. Бизлардан ҳеч ким талабаларга нисбатан

куч ишлатишни ўйлагани йўқ, қурол ишлатиш эса ҳаёлимизга ҳам келгани йўқ.

Талабаларга жорий этилган купонлар ўз вақтида берилмаганлигини тушунамиз, аммо нима учун улар миришаб ходимларига қарата тош, турли буюмлар, ҳатто ўқ отганларини асло тушунолмаймиз. Ахир, биз уларнинг бу ердаги ҳеч бир ҳаракатларига қаршилик қилганимизча йўқ эди-ку! Бу миришабларнинг ҳаддан ташқари ҳуқуқсиз қилиб қўйилганларининг оқибати эмасми?

Бугунги кунда Талабалар шаҳарчасида бўлиб ўтган воқеалар уюштирилган тadbир эканлиги ҳақида гапирилмоқда. Аммо оммавий ахборот воситалари ва айрим мансабдор шахслар шунга кўра-билатуриб, фақат миришаб ходимларини айблашлари дард устига чипқон бўлапти.

Бу шахслар устимизга тош ва шунга ўхшаш нарсалар дўлдай ёғилиб турганда, ёнимизда туришларини жуда хоҳлар эдик. Эки улар бизни ҳеч нарса таъсир қилмайдиган афсонавий мавжудот, ёки отса ҳам бўлаверадиган нишон, деб ўйлашадимикин?

Ана шундай шароитда ҳимоя воситаларисиз биз миришаблар нима қилишимиз керак эди? Ахир, талабалар оломони шахримизнинг асосий майдонига боришни мўлжаллаётган эдилар. Агар бу ҳаракат бошланса, қандай фожеалар юз бериши мумкинлигини ҳар қандай одам ҳам тасаввур қила олса керак.

Воқеаларни ўз билганларича матбуот саҳифаларида талқин қилаётганларга бизнинг ҳам бир неча саволларимиз бор эди:

— Агар тажовузкор кайфиятда бўлган, ҳатто қуролли қаршилик кўрсатишгача тайёр бўлган талабаларни шаҳар ҳокими, олий ва ўрта таълим вазирлиги айтганларига кўндириб, тинчлантирилмаган эканлар, биз миришаблар тинчлантира олармиди?

— Кимлар кўча юришлари, намойишлар, митинглар уюштириш ва ўтказиш тартиби ҳақидаги қонунларни буза бошлади?

— Кимлар жамоат тартибини буза бошлади?

— Кимлар мансабдор шахсларнинг ҳамда миришаб ходимларининг қонуний талабларига бўйсунмади?

(Давоми 2-бетда).



«СОВГА» ЮБОРМОҚЧИ ЭКАН...

— Ҳузуримга бир киши кириб келди, — деб ҳикоя қилади Ўзбекистон Республикаси ИИВ ҳузуридаги товар-моддий бойликларни олиб чиқиб кетишни назорат қилувчи давлат назоряти Хоразм вилояти бўлими бошлиғи милиция майори Олимбой Иброҳимов. — Ўзини Урганч шаҳрида яшовчи Раҳимбой Рўзматов деб таништирди. Илтимо қилдики, Севастополь шаҳрида яшайдиган ўғлига эски кийим-кечалар, озроқ озиқ-овқат юбормоқчи, аммо ходимларимиз рухсат беришмаётган экан...

Ўйлаиб қолдим, рости бу одамга раҳим келди ҳам. Балки у томонларда аҳвол ҳозир биздан кўра ёмон, боласи қийналиб қолгандир, ота-она бундай пайт қўл қовуштириб ўтирмайди-ку. Шуларни ҳаёдан кечирдим ва бориб, албатта, юк контейнерини кўздан кечириб, қонуний бўлса, рухсат беришимизни айтдим...

Сизнинг хаёлингизга ҳам дарров шундай фикрлар келиши аниқ. Айни замонда бошқа жумҳуриятларга тақдир тақозоси билан бориб, турмуш қуриб, иш-

лаб, яшаётган биродарларимиз кўп. Уларнинг оғир иқтисодий инқироз даврида яшаш шароитлари ҳар биримизни ўйлаттиради. Матбуотда ўқиб бораемиз: у томонларда қимматчилик биздагидан кўра уч-тўрт ҳисса юқори...

Аммо урганчлик «раҳимдил» отахон биз ва сиз ўйлаганчалик эмас экан. Юк контейнери очиб қаралганда, ундан отахон айтмоқчи, эски-туски кийимлар эмас, тамомла бошқа нарсалар чиқди. Мана уларнинг ихчам рўйхати: 90 баңка гўшт консерваси, 64 дона чойшаб, 45 баңка сут, 50 килограмм шакар, юз килограмм гуруч... Булар ҳали ҳолва. Уларни «оч фарзанд»га юборилган озиқ-овқат деб тасаввур қилайлик. Аммо мана бу молларни нима дейиш мумкин: 168 дона чет элда ишлаб чиқарилган тиш пастаси, 58 дона тиш чўткаси, 25 дона аёллар сумкаси, 398 дона чет эл пудраси, 571 дона кичик калавали ип, 476 дона болалар ўйинчоғи, 50 дона термометр... Жами қиймати йиғирма минг сўмга боради. «Меҳрибон ота-

хон» бу «жумбоқ»ни изоҳлаш учун тайинли баҳона тополмади. Ва ниҳоят осон йўлни айтиб қўяқолди: «Ўғлимга совга юбормоқчи эдим...»

Ўғлига аталган «совга» энди дўконда харидорларга сотилиб, унга давлат нархидаги пули қайтарилди... «Совга» эгасининг омади бор экан. Негаки, эндиликда рухсат этилмаган маҳсулотлар четга олиб чиқиб кетиш пайтида тўхтатилса, барча товарларни давлат ҳисобига мусодара қилиш ҳақидаги қонун Олий Кенгаш томонидан қабул қилинди.

Рўзимбой ҲАСАН. СУРАТЛАРДА: Дўстлик шаҳар давлат назорати пости катта назоратчисини милиция лейтенанти Султонбой Бобожонов (чапда) ва кичик назоратчи милиция сержанти Илҳомбой Машариповлар қонунсиз олиб чиқиб кетилаётганда олиб қолинган молларни кўздан кечирмоқдалар.

Р. Рўзматовнинг ўғлига юбормоқчи бўлган «совга» лари.

Саъдулла БОБО олган суратлар.

ВАЗИР БИЛАН УЧРАШУВ

Яқинда ички ишлар вазирлиги милиция генерал-майори Зокиржон Алматов Фарғона вилоятида бўлиб, Марғилон шаҳар ИИБ ходимлари, вилоятдаги бошқа туман, шаҳар ИИБлари раҳбарлари, вилоят ички ишлар бошқармаси бўлим бошлиқлари билан учрашувлар ўтказди. Ҳар иккала йиғилишда ҳам вазир жумҳуриятдаги бугунги иқтисодий-сиёсий вазиятга тўхталиб ўтди. Истиқбол топган Ўзбекистоннинг дастлабки қадамлари оғир кечиши ва бунда ички ишлар ходимларидан кўп нарса талаб қилинишини айтди. Вазир ўзининг ҳам оддий

милиционерликдан шу лавозимгача бўлган йўлни босиб ўтганини айтиб, бу соҳаданларнинг сермашақат меҳнатларини инкор этмаслигини, жумҳуриятдаги иқтисодий аҳвол нақадар оғир бўлишига қарамай, милицияни улов, ёниги ва бошқа асбоб-анжомлар билан таъминлашда узилиш бўлмаслигини таъкидлади.

Шунингдек, вазир йиғилганларнинг турли хил саволларига жавоб бериб, унвон даражаси, кийим-кечак таъминоти ва шунга ўхшаш қатор масалаларга аниқлик киритди.

М. КИМСАНБОВ.

ИЛМИЙ—

АМАЛИЙ

КОНФЕРЕНЦИЯ

20 февраль куни Тошкент ўрта махсус милиция мактабида илмий-амалий конференция бўлиб ўтди. Унда командир-ўқитувчилар таркиби, 1, 2-курс курсантлари иштирок этишди.

Конференцияни Тошкент ўрта махсус милиция мактабининг бошлиғи Уткир Пўлатов очди. Шундан сўнг сўзга чиққанлар «Савдодаги сунистеъмоллар ва чайқовчилик учун жавобгарликни кучайтириш тўғрисида»ги Ўзбекистон Жумҳурияти қонунини талабларини амалга ошириш борасидаги муаммолар ва уларнинг ечими ҳақида ўз фикрларини билдирдилар.

Конференцияда Ўзбекистон Жумҳурияти ички ишлар вазирлиги, Тошкент шаҳри, Тошкент вилояти ички ишлар бошқармаларининг вакиллари саволларга жавоб бердилар.

А. ЛАТИПОВ.

Э. САТТОРОВ.

ДОРИЛОМОН ЗАМОНЛАРНИ ҚЎМСАЙМИЗ

Кўпгина қарияларимизнинг ҳикоя қилишича, бир пайтлар ҳовлиларимиз баланд девор нима, отнинг калласидай кулф нима билмаган экан. Узоқ сафарга отланганлар ҳам эшигининг олдига супурги ташлаб, ҳотиржам жўнаб кетар эканлар. Уғрилиқ, каззоблик бировнинг ҳақиқа хийнат қилиш аҳён-аҳёнда учраган, холос. Аммо бугунга келиб бу га-

ройиб ўтмишимиз афсонавий маъно касб этадиган бўлиб қолди. Чунки ҳеч бир сир эмаски, кейинги пайтларда фуқаролар фақат ваҳима ва қўрқув силсиласида кун кечиришяпти. Сиёсий ва иқтисодий тангликка тушиб қолган мамлакатимизда ўлдир-ўлдир, тала-тала, алда-алда авжига чиқди. Ичкиликбозлик, фоҳишабозлик, гиёҳвандлик мисли

кўрилмаган даражада илдиз отиб кетди.

Яқинда Қарши шаҳрида ўтказилган тадбирлар бу ерда ҳам киши таъбини тирриқ қиладиган қусурлар оз эмаслигини кўрсатди.

Собиқ иттифоқнинг турли жойларидан келган ўттизга яқин дайдилар ички ишлар бўлимига келтирилди.

Икки нафар шахсда ғайриқо-

нуний равишда ов милтиқлари сақланаётгани аниқланди.

Фурманов кўчасида яшовчи фуқаро Халил Аблаев ўз уйида тайёрланган қўлбола арокнинг ҳар шишасини 15 сўмдан пуллаётганда қўлга тушди.

Бундай кўнгилсиз мисолларни кўплай келтириш мумкин. Бироқ... Мана, жумҳуриятимизда мустақиллик байроғи қилпирамқда. Шояд, қарияларимиз кўп эслайдиган ўша дориломон замонлар яна қайтса...

Шанба учрашувлари

Одатимни қанда қилмай бугун ҳам чойхонага йўл олдим. Вақтида келган эканман. Бурчақда шоирлар Рауф Парфи, Ихтиёр Ризо, Аҳбор акалар чой хўплашиб ўтиришган экан. Дарров ёнларига чорлашди. Гурунг қизигандан қизиди. Гапдан гап чиқиб, Ихтиёр ака ўзларининг ик-

қилган бўлсамда, тасаввуримда гўё бир вақтлар шу маконда яшагандекман. Хотиралар миямга ёпирилиб келаверди. Секингина уй эгасининг катта ўглини чеккага тортдим. — Укам, бир пайтлар мана шу дўнгликнинг ортида каттагина тош бор эди...

кўзларимга ёш қуюлиб келаверди. Қучоқлаб, ўпа кетдим. Ҳовурим ҳамон босилмасди. Юқориқоққа кўтарилдим. Худди мени кутиб тургандек узунлиги 6-7 метрли илон бош кўтариб, инидан чиқди. Беихтиёр унга пешвоз чиқдим. Болаларим қичқириб юборишди.

рибман. Тушимда илон тилга кириб, ҳузурга бо-ришимни сўради.

Уйқудан энгил тортиб турдим. Назаримда тонг бугун ўзгача бир тарзда оқаргандек эди. Уй эгасидан идишда сут, битта нон сўрадимда, илоннинг қошига йўл олдим. Ин қаршисига келиб, сут билан нонни қўйдим. Илон чиқди. Кўкрагим баробар бошини кўтарди. Оғзида ёнроқдан каттароқ оқ тош бор эди. Кафтими очгандим, илон тошни қўйди. Сутни ичиб, нонни тишладим-да, инига кириб кетди. Шундан кейин уни қайта кўрмадим.

Ихтиёр ака ҳикояларини тугатдилар. Лаб-даҳанни йиғиштириб, ўзаро тортишиб кетдик. Биров ишонди, биров йўқ. Шунда Ихтиёр ака яна гапга қўшилдилар:

— Менга ишонинглар, ҳамма гапларим рост. Биринчи бор яшашимда каттагина бой бўлганман. Илон эса бойликларимни қўриқлаган бўлиши керак.

Сизни билмадим-у, лекин мен бу воқеага ишондим. Ишонгим келди. Бу алдоқчи замонда, жилла-қурса, мана шундай қизиқарли ҳикояларга ишониш керак.

Холмуҳаммад МУИДИНОВ.

КЕЛИНГ, БИР КУЛИШАЙЛИК

Болалар қишлоқдаги бир уй эшигини тақиллатиб, бақирди:

— Маша хола! Маша хола, Ваня тоғани уч гилдиракли велосипед босиб кетди.

— Қанақа уч гилдиракли велосипед?

— Ҳалиги, асфальт текис-лайдиган.

— Вой, худойим. Ҳозир эшикни очман.

— Ҳожати йўқ, биз уни эшик тирқишидан тикиб юборамиз.

Энгил уловда эр-хотин, қайнона ва қайнота кетишарди.

Йўлда уларни автоназоратчи тўхтади деди:

— Уртоқ ҳайдовчи. Сиз йўлнинг мана шу қисмидан бехато ўтган биринчи ҳайдовчи бўлдингиз. Сизга 500 сўм пул мукофоти бериладди.

— Жуда яхши, мен унга ҳайдовчилик гувоҳномаси сотиб оламан, — деди ҳайдовчи.

Назоратчи: — Ия, ҳали гувоҳномангиз йўқми!

Гапга келинчақ аралашди: — Уртоқ назоратчи, унга қўлоқ солманг. Қайф устида гапираверади-да.

— Нима, қайфи ҳам борми! — деб қичқирди милиционер ранги оқариб.

Шу пайт қайнона машинадан сакраб тушиб, додлаганича қоча бошлади:

— Мен сенларга айтдим-а, ўғирланган машинада узоққа бориб бўлмайди деб.

Орқа ўриндиқда хурран отаётган қайнота ҳам бақирди-дан чўчиб тушдию бор овозда қичқириб юборди:

— Нима гап, чегарага етиб келдикми!

Ярим тунда эшик кўнғироғи жиринглагач, уй эгаси ҳадик билан сўради:

— Ким у?

— Милицияданми, эшикни очинг.

— Нега?

— Гаплашмоқчимиз.

— Неча кишисизлар?

— Уч киши.

— Ана, учовинг гаплашаверинглар, мен ухлайман.

— Ойи, — йиғлаб телефондан гапирди яқинда турмушга чиққан қиз. — Ярим тун бўлди, эримдан ҳали дарак йўқ. Менимча, у бирор аёлинига кетган...

— Қизим, нафасингни иссиқ қилсанг-чи! Балки у эҳтиётсизликдан бирор машина тагига кириб кетгандир!! — тинчлантирди онаси.

Қамоқхона бошлиғидан текширувчи сўради:

— Кўриниб турибдики, сизларда соқчилик ишлари ёмон йўлга қўйилган. Лекин шунга қарамай икки йилдан буён бирор маҳбус қочиб кетмагани қизиқ, сабаби нима-да экан-а?

— Сири оддий, ўртоқ вакил. Ҳар куни эрталаб маҳбусларга навбатдаги нархнаво ошиши ҳақидаги қарорларни ўқиб бераман...

Русчадан Адҳам ҲАМИДОВ таржималари.

ИШОНГИНГИЗ КЕЛСА, ИШОНИНГ

«ИЛОН ХИЗМАТКОРИМ БЎЛГАН»

кинчи умрларини кечиратганлигини айтиб қолдилар. Ҳаммамиз ҳайрон қолдик.

— Ушанда 1972 йилнинг август ойлари эди, — деб Ихтиёр ака ҳикояларини бошладилар. — Ўғил-қизларим билан дам олиш учун Иссиқкўл ёқасидаги «Чўлпонота»га бордик. Тоғ ёнбағрида макон қурган қирғиз оиласи бизни яхшигина кутиб олди. Хонадон соҳиби ичкарига чорлади. Остонадан ҳатлашман-у, вужудимда аллақандай ўзгариш бўлаётгандек, дақиқа сайин ҳаяжон борлигини ўраётгандек идрок этардим ўзимни. Илк бор бу ерларга қадам ранжиди

— Ҳозир - ҳам бор, нимаиди? — ажабланиб сўради мезбон.

— Уша жойда катта илон ҳам бўларди. Улиб кетган бўлса керак?

— Йўқ, илон тирик.

Йигитнинг ҳайронлиги яна ошди. Мен эса ўзимда эмасдим. Ихтиёримни бутунлай хотиротга бердим.

— Илтимос, уша тошни кўрсатсангиз.

Ўғил-қизларим ажабсиниб орқамиздан эргашиди. Йўл-йўлакай теварак-атрофни тасвирлаб борардим. Мезбон ийманиб гап қотди:

— Бу ерларда аввал ҳам бўлганмисиз?

— Биринчи марта келишим.

Катта тошни кўрдим-у,

— Нима қилаяпсиз? Қайтинг, ота!

— Бу менинг акам, бу менинг қадрдоним, зиён етказмайди, — деб уларни тинчлантирган бўлдим.

Орамиздаги масофа икки қадам қолганда тўхтадим. Илон бошини кўтариб, тилини чиқарди.

Негадир унга қараб йиғлагим келарди. Минг йиллик қадрдоним дийдорига тўйгандек эдим. Шу пайт турган жойимда таққа қотдим. Вожаб, илон ҳам кўзёш қиларди... Шу кўйи аллавақтгача туриб қолдик.

Ўзимга келганимда қути учган болаларим қўршо-вида эдим. Уларни яна бир бор тинчлантирдим.

Саҳарга яқин туш кў-



ТАБИАТ МУЪЖИЗАКОР.

БОЛАНИНГ ТИЛИ ШИРИН

— Собир, кел, ким биринчи бўлиб овқат ичиш бўйича мусобақа ўйнаймиз, — деди Ботир.

— Тўхтаб тур, — деб қолди Собир, — мен спорт кийимини кийиб чиқай.

— Салима, оёгининг тагини ювибсан яхши, лекни тепасига сув тегмабди-ку! — Тепаси билан юрмайман-у, ойижон.

Ирода АБДУСАЛОМОВА, Андижон шаҳри.

БОШҚОТИРМА

бир ёзиб чиқинг. Кейин эса шаклининг диагоналидаги ички чизиқ билан белгилаб қўйилган хоналар йўналишига эътибор беринг. Гап шундаки, агар топган жавобларингиз тўғри бўлса, сиз полиция комиссари ҳақида туркум асарлар яратган машҳур француз адабининг номини ўқийсиз.

1. Михаил Шолоховнинг «Ивсон тақдири» ҳикоясидаги бош қаҳрамон.
2. Буюк озарбайжон шоири.
3. Кулгили саҳна асари.
4. «Тошкент — нон шаҳ-

ри» қиссасининг муаллифи.

5. «Баҳорнинг ўн етти лаҳзаси» номли кўп серияли телевизион бадий фильмда бош ролни ижро этган истезодли актёр.

6. «Икки эшик ораси» романини яратган таниқли ўзбек адиби.


7. Амир Темурнинг ҳаёти ва фаолияти ҳақида ҳикоя қилувчи «Самарқанд осмонда юлдузлар» трилогиясининг муаллифи.

Тузувчи ички хизмат подполковниги Ҳамидулла АБДУЛЛАЕВ. Тошкент шаҳри.

фарғоналик Наргизахон Турдиалиева, А. Бекмирзаев, Тошкент вилоятида истиқомат қилувчи Абдуллаевлар оиласи, Янгийўл шаҳридан Пулатовлар оиласи, М. Ашрафий номидаги ТДК талабалари Х. Каримов, Т. Орипов, М. Бобоназарова, Б. Бобононовлар, Тошкент шаҳридан Насибхон Абдуллаева, И. Тошев, Б. Гафуров, Д. Мухамедова, Н. Иноғомова, Қашқадарё вилоя-

тидан С. Алмуратов, Ф. Баҳриев, Кармана шаҳридан Ш. Файзиева, Бухоро вилоятидан Т. Бахромова, Бўка туманидан С. Умаров, Д. Пўлатов, Сирдарё вилоятидан Р. Абдужамилова, Хоразм вилоятидан А. Абдуллаева, Жиззах шаҳридан Н. Қураматовлар тўғри топганлар.

Мактуб йўллаганларнинг барчасига ўз миннатдорчилигимизни изҳор қиламиз.



Азиз рўзномасевар! Берилган тўртбурчак шаклининг еттита қаторига қуйида маънолари ифода этилган номларни рақамли хоналардан бошлаб бирма-

Рўзномаимизнинг 18 январь кунги сонида чоп этилган бошқотирманинг жавоблари: 1. Тижорат. 2. Тафовут. 3. Тадқиқот. 4. Табиат. 5. Талофот. 6. Тут. 7. Тобут. 8. Ташвиқот. 9. Тилхат. 10. Тиббиёт. 11. Тўрт. 12. Таъминот. 13. Тахт. 14. Тивит. 15. Тоқат. 16. Ташкилот. 17. Тараққиёт. 18. Тақсимот. 19. Тухмат. 20. Тарғибот. Бошқотирма жавобларини

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Жумҳурияти «Шарқ» нашриёт-матбаачилик концерни босмахонаси. 700083, Тошкент, Ленинград кўчаси, 32.

Телефонлар: муҳаррир—54-37-91, муҳаррир ўринбосари — 39-77-23, мухбирлар бўлими — 59-26-56, 59-20-92, умумий бўлим—59-21-21.

Обуна рақами — 64615. 43920 нусхада чоп этилди.